



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Dilationibvs. Titulus VIII.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

*Iuramentum calumnie non tantum in prima instantia, sed etiam in causa appellationis prestandum est, c. 2. eod. tit. in 6.*

## DE DILATIONIBVS.

*Titulus VIII.*

## Continuatio.

**I**uramento, de calumnia, præstito, litigatores non præsumuntur, animo differendi negotij, sed bona fide, inducias petere: non iniuria igitur iudex, vel iubente lege, vel æquitate suadente, causaque cognita, eas concedit, cap. vlt. §. à iudice, 3. quæst. 3.

*Quid est Dilatio?*

Dilatio est, temporis interuallum, ad faciendum actum iudicalem à lege vel iudice cōcessum, vel moderatum, c. 1. 2. & 3. extr. eod.

*Quoruplex Dilatio?*

Alię sunt iudiciales, alię extraiudiciales. Quarum species multæ recensentur & explicantur per Specul. lib. 2. par. 1. tit. de dilat. §. experiundo-riæ, & Hostien. §. quot sint, eod. Et aduerte, quòd ferè indifferenter omnes dilationes siue à iudice, vel à lege dentur, (quia & prætor tempus lege datum, inspecta qualitate negotij, utilitate vel necessitate partium, producit & arctat,) ex causa arbitrariæ reddantur, c. vltim. extr. de transact. cap. si ægrotans, 5. quæst. 3. & c. si Episcopus, 3. quæst. 2.

*Quæ*

*Quæ causa Efficiens?*

Causa efficiens est, lex, iudex, & partium conuentio, Cynus in l. 1. C. de dilat.

*Quod Obiectum?*

Sunt actus iudiciales in qualibet causa, tam ciuili quàm criminali. Nam præfixio termini seu dilatio, siue à iudice fiat, siue à lege, conceditur quandoque ad testes producendos, c. licet, extr. de probat. Quandoq; ad peremptorias proponendas, c. 1. & c. seq. 3. q. 3. quandoque ad probationem per instrumenta faciendam, Nouel. 115. §. sed & hoc, vers. dilationes: quandoque ad solutionem faciendam, l. 2. & 3. C. de vsur. quãdoq; ad se purgandum, c. tam literis, extr. de testibus: quandoque ad accusandum vel agendum, c. licet, extr. de accusat. & c. fin. extr. de clan. desponsat. item ad optandũ legatum, c. cùm in veteri extr. de elect. item ad prosequendam appellationem: item ad excessus puniendum, c. irrefragabili, extr. de off. ord. ad negotium decidendum, c. de causis, extr. de off. deleg. ad restitutionem petendum, c. frequens, extr. de restitut. spoliat. ad exceptionem excommunicationis probãdam, c. pia, de except. in 6. Denique ad litem contestandam, l. si quis, ff. de petit. hæredit.

*Quæ Forma concedendæ Dilationis?*

Dilatio tam Actori, quàm Reo, tã ante, quàm post litem contestationem, iudice pro tribunali sedente, causa cognita, & vtraque parte præsentem concedenda est. Quòd si autem legalis dilatio est, ea, inuitis partibus, etiam, absq; causæ cognitione con-

ne con-

302 ANALYS. IVRIS PONTIFICII  
ne cōceditur; licet eam iudex, qualitate personę  
& causę, alijsq; circumstantijs consideratis, inter  
dum moderari possit, 3. q. 3. c. inducię, §. spatium,  
l. à procedente, C. de inducijs, & l. 4. C. de dilatio-  
nibus.

*Quis Finis?*

Vt parti commoda sit deliberandi facultas: vt  
veritas rei salua sit: vt possit haberi consilium:  
vt in omnib. æquitatis ratio obseruetur, Hosti-  
ens. hīc, §. & quare.

*Quis Effectus?*

Expeditio causę. data enim dilatione, & adue-  
niente termino peremptorio assignato, iudex eū  
ulterius nō prorogat. Nec eo elapso q̄s vltra au-  
diendus est, cūm perēptorius terminus vim ha-  
beat interlocutorię, quam si, absq; causa, terminus  
prorogandi gratia, reuocaret, nullus esset litium  
finis, c. de illicita, 24. q. 3. & l. qualem, ff. de arb.  
Regulariter enim omnis probatoria dilatio per-  
emptoria est, & non, nisi semel, datur, nec potest  
prorogari. Quod verum est in causa ciuili, nō au-  
tem criminali, in ea enim pluries dilatio conce-  
ditur, Bart. & Dd. in l. 1. C. de dilat. Abb. c. licet, 4.  
not. de probat. Quandoq; tamen etiam in causis  
ciuilibus plures dilationes concedi possunt, vt  
notat Mynsing. obser. 71. cent. 1. Vt quia iustum  
impedimentum extabat in prima, l. oratione, ff.  
de ferijs: Vel nouę superuenerint litigati proba-  
tiones, idq; iuramento asserat, c. pastoralis, extr.  
de excep. Aut litigans impeditus sit factō aduer-  
sarij, Iason, l. si eū, §. qui iniuriarū, ff. si quis cau-  
Aut nouā actionem cumulauerit, glos. in l. edita,  
C. de

C. de eden. Aut, si in iudicio emergat noua exceptio, vel aliud incidens, quia noua dilatio dabitur, ad probandū id, quod cōsistit in facto super illo emergenti, d. cap. pastoralis, extr. de except. Sic iure ciuili dilationes ad alios actus iudiciales faciendos, à iudice præfixæ, ex causa prorogari possunt prout quotidie in praxi obseruatur, dummodò intra terminū prorogatio petatur. Quia effluxo termino, quod non est, prorogari nō potest, l. iuris gentiū, §. aded, ff. de pactis: sed nouus terminus petendus esset. Prorogatio enim nihil aliud est, nisi dilationis labentis nondum lapsæ extensio, & dicitur eadem dilatio cum prima, l. si manente, ff. de minor. Maran. par. 4. dist. 12. nu. 2. fol. 225. & notat And. Geyl, obseruat. 91. lib. 1. pract. obser.

## A X I O M A T A.

*Ad impetrandam quartam dilationem, non requiritur speciale mandatum, sed generale sufficit, c. qui ad agendum, de procurat. in 6. Contrarium tamen obseruatur in Camera, Myns. obser. 70. cent. 1. Ratio est. Quia in iuramento omni requiritur speciale mandatum, & exprimitur qualitas iuramēti in specie, non autem extenditur illa species ad aliam non expressam, Clem. non potest, de procur. & c. vlt. extr. de iud.*

*Quando impedimentum est in iudice, vel Commissario, quò minus testium examinatio fiat, aut ad finē perducatur, tunc tempus dilationis supplendum, & non dicitur noua dilatio, sed suppletio prioris, Myns. obseruat. 71 cent. 1.*

*Regulariter omnis dilatio, est peremptoria: & non datur*

ANALYS. IVRIS PONTIFICII  
 datur, nisi semel in causa civili, nec potest prorogari: sed  
 in causa criminali pluries dari potest, Abb. in c. 1. extr. de  
 probationibus.

Prorogatio quarta dilationis conceditur, quando cau-  
 se releuantes allegantur, & quod petens prorogationem  
 iuret, talem causam veram esse, adiecta tamen eadem so-  
 lennitate legali, cuius fit mentio in c. vltra tertiam, extr.  
 de testi. qua quarta dilatio fuit concessa, Mynsing. obser.  
 72. cent. 1.

Si iudex assignat simpliciter terminum ad aliquid fa-  
 ciendum, tota dies termini cedit illi.

Peremptorius terminus vim habet interlocutoria, l.  
 qualem, ff. de arbit.

Concessa dilatio nec à iudice coarctari potest, nisi in-  
 sta causa abbrevianda dilationis interueniat, c. cum  
 Romana, extr. de appellat.

Omnes dilationes iudiciales, praterquam appellato-  
 ria, arbitrariae sunt, d. c. cum sit Romana.

Conceduntur dilationes, quando bona fide, & non, cum  
 sa litis propagandae, petuntur, à iudice pro tribunali seden-  
 te: nisi triennium, quo & ipsa causa perit instet, l. prope-  
 dum, C. de iud.

Dilationes conceduntur, ad ponendum, iurandum,  
 testes producendum, aliasque probationes afferendas, Ac-  
 tori & Reo, ordine seruato: ita vt prius Actori, quam  
 Reo terminus assignetur, c. 1. 4. q. 4.

Non, nisi causa cognita, dilatio danda est, c. fin. § à iu-  
 dice, 3 q. 3.

Probationum causa danda dilatio est trium mensi-  
 um, in eadem prouincia, in comitentibus prouincijs sex  
 mensium,

mensium, & in transmarinis nouem, cap. vlt. 3. quast. 3.  
 Petens nomine alterius actionem sibi dari, debet satis dare de ipso defendendo in reconuentione arbitrio boni viri, Spec. eod. tit. §. experiundoria.

Terminus ad omnes dilatorias proponendas simpliciter datus, intelligitur peremptorius, c. licet, extr. de probationibus.

Termino assignato, ad dandum omnes exceptiones dilatorias, elapso, non possunt probari exceptiones litis contestationem impediennes, ante litis contestationem: quia ante litis contestationem in vim dilatarum opponuntur, Specul. d. loco.

Si Reus aduocatum conduxit, & quandoq; cum eo in iudicio comparuit, & postea eum habere non potest, imputet sibi, si talem conduxit: si vero nondum conduxit, danda dilatio est ad quarendum aduocatum, non tamen sæpè, si id malitiosè petatur, c. prout, ext. de dol. & contum. Spec. d. loco.

Materia dandarum dilationum amputanda est, l. 2. C. de temp. appell.

Conceduntur dilationes, si bona fide petantur, bona fide peti presumuntur in casibus à iure concessis, & postquam iuratum est in causa, quod si non est iuratum, & iudex dubitat an malitiosè, vel calumniosè petantur, potest à parte exigere iuramentum, Spec. d. tit. §. nunc videamus.

Ea, quæ cause cognitionem desiderant per sententiam, partibus absentibus, latam, nequeunt expediri, l. omnia, ff. de reg. iuris.

Processus nullus non potest rati habitione confirmari, c. auditis, extr. de elect.

¶

Ter-

Termino peremptorio, ad dandum omnes exceptiones, elapso, cum nunc intersit partis, non potest eum iudex sine causa prorogare. Specul. d. loco.

Cuiq; licitum est iuri pro se introducto renuntiare, c. ad Apostolicam, extr. de reg.

Si post citationem ad causam, Reus pro publica utilitate vocetur, circumducitur peremptorium, & habebit novas inducias, c. fin. extr. eod.

Iure civili 20. dierum spatium ad proponendas exceptiones statuitur, incertum habetur c. pastoralis, ext. de except. Respon. per auth. offert, C. quomodo, & quando, non tollitur d. c. pastoralis, sed per illud c. pastoralis potest, iudex restringere tempus 20. dierum, c. cum sit Romana, extr. de appellat.

## DE FERIIS.

Titulus IX.

Continuatio.

**F**eriae, siue repentinae, siue solennes sint, dilationum temporibus non eximuntur: sed ad constituendum actus iudicialis peragendi terminum, proficiunt. l. siue pars, §. feria, C. de dilat.

Quot sunt genera Feriarum?

Feriarum aliae sunt solennes, aliae repentinae, aliae indictae, siue publicae, seu rusticae. Solennes sunt, quae ad Dei cultum & honorem, & Sanctorum reverentiam introductae sunt, quae recensentur per Spec. tit. de ferijs, §. feriarum, c. fi. extr. de reliq. & venera. sancto. Repentinae feriae dicuntur,

tur,